



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 53. De quo legi possit Missa; & speciatim an legi possit de Sancto, de quo habentur Reliquiæ.

urn:nbn:de:hbz:466:1-42624

secundum publicum officium illius ecclesiae, in qua celebrat, quamvis discordet ab officio, quod ipse recitat: non tenetur autem talem Missam legere, sed potest retinere conformem suo officio: estque melius & pro communi edificatione se conformare publico ritui ecclesiae, in qua celebrat, exceptis illis, de quibus in §. seq. *Tamb. Quarti, Sennyei* n. 155. Et quidem Capellanus Monialium non utentium Breviario Romano, quo ipse utitur, debet ex Missali Romano celebrare Missam conformem Breviario Monialium, vel saltem affinem, si non habeatur conformis, uti dicitur n. 376.

373. §. 3. Missas certis Religiosis concessas non possunt alii, qui ejus Religionis non sunt, legere; uti dictum est n. 367.

374. Q. 53. De quo legi possit Missa, & speciatim an legi possit de Sancto, de quo habentur Reliquiae. R. §. 1. Per se loquendo de eo legenda est Missa, de quo fit officium, de quo autem fieri possit officium, colligi debet ex dictis L. 4. à n. 1243. 1250. 1257. 1262.

375. §. 2. *Castrop. Quintanadv.* negant, *Tamb. &* alii cum *Pasq.* q. 277. dicunt Missam legi posse de Beatis necdum canonizatis, non tantum in die festo, sed etiam votivam per annum; sed plures cum *Quarti & Gob.* in Exp. t. 3. n. 676. probabilius dicunt id licere tantum in die assignato, nec licere extra eum diem in Missa alia addere commemorationem de tali Beato, uti nec Horas legere, secundum Decretum, quod retuli L. 3. p. 1. n. 18. & 19. Notat autem *Gob.* de Martyribus Japonensibus posse Missam legi in ecclesiis Societatis eorum festo, quod ex Decreto S. Congreg. 25. Sept. 1629. extensum est ad Sacerdo-

cerdo
Com
dem
nu. 6
bent
auter
tale f
O. u
reser
lai ne
auter
ad ec
cium
tifica
167
167
loysiu
Qua
lege
n. 1
§
to C
de E
mun
riun
v. M
9. J
lebr
am
Miss
fam
§
to,
Car
tim

cerdotes etiam sæculares, uti habetur in novo Compendio v. *Festivitas* §. 2. Attamen nequidem nos obligari ad talem Missam, notat Gob. nu. 677. contra *Tamb.*, quia Bullæ tantum habent, *concedimus, licentia, potestas, possit &c.* nullum autem est verbum præceptivum. Potest tamen tale festum transferri, Gob. in app. ad n. 696. litt. O. ubi litt. AA. addit, nihilominus sibi Romæ rescriptum esse, quod specialiter festum B. *Stanis- lai* nobis sit de præcepto & non ad libitum. Posse autem hujus festo etiam Sacerdotes sæculares ad ecclesias Societatis confluentes habere officium & Missam de B. *Stanislao*, habet Bulla Beatificationis & Indultum *Clementis X.* 16. August. 1670., quod amplius explicatum est 30. Sept. 1671. Et quoad Missam idem est de festo B. *Alojsii*, uti habet Compendium privil. supra §. 1. Quandonam autem nobis liceat in septimana legere officium & missam de S. *Ignatio*, dixi l. 4. n. 1248.

§. 3. Si Moniales habeant officium de Beato Ordinis, potest Sacerdos illis legere Missam de Beato eodē, sed ex Missali Romano de communi, quamvis Introitus, Graduale & Offertorium, quod chorus canit, discreparent, Sylv. p. 2. v. *Missæ Casu* 3. Et 19. Nov. 1622., iterumque 9. Jun. 1668. emanavit hæc declaratio: *Qui celebrat Missam in aliqua ecclesia Regularium aut etiam Monialium, in qua sit de festo duplici habente Missam propriam, quæ non sit concessa omnibus, Missam quidem dicat de festo, sed cum Missali Romano.*

§. 4. Potest legi Missa de quovis Canonizato, quamvis necdum relato in Martyrologio. Canonizatio autem differt à beatificatione, partim accidentaliter, eò quòd ad canonizatio-

nem adhibeantur plura examina, plures invocationes Spiritus sancti, major pompa exterior; partim etiam veluti substantialiter, nam per beatificationem solum permittitur cultus publicus & quidem cum multis restrictionibus, ita ut nec liceat pro privata pietate inferere Litanias. Per canonizationem verò definitur talem cultum sancto deberi ab omnibus, *Gob. in app. 1. ad n. 696. Litt. P. Q.* Omnes autem Sancti, quorum nomina exprimuntur in Martyrologio Romano, sunt canonizati, vel ab Ecclesia communi vel à Papa vel ab Episcopis, hinc potest de illis in festo legi Missa, *Gob. n. 673.*

378. §. 5. *Quintanadv. & Gob. num. 679.* dicunt quamlibet ecclesiam posse (imò debere, si vera sunt quæ habet *Gob. in App. 2. ad n. 696. Litt. EE. LL. RR.* quamvis aliter loquatur postea in *App. 3. Litt. O*) singulis annis cum Missa & officio celebrare diem dedicationis suæ, etiamsi tantum sit benedicta, sed si consecrata sit, verum est fieri debere, si autem sit tantum benedicta, probabilius est cum *Pasq. q. 271.* nec debere nec posse fieri. Notant autem communiter Authores non posse sine consensu Sedis Apostolicæ diem consecrationis transferri, etiam ab illo Episcopo, qui consecravit, *Gob. Litt. M.* Si tamè alicubi facta sit talis translatio in alium diem, valet & potest manere. Quid autem veniat nomine ecclesiæ, & an etiam sacellum, explicat *Gob. in App. 2. Litt. CC. & seqq.* Quod si sint duæ ecclesiæ, una nova, altera vetus, an hujus an illius dedicatio celebrari debeat, explicat in *App. 3.*

379. §. 6. De omni Sancto potest celebrari Missa cum officio sub ritu duplici in ea ecclesia, in qua habet

habetur insignis Reliquia, secundum dicta L. 4. n. 1250. 1260. Si autem non sit insignis Reliquia, dicunt aliqui posse haberi Missam & officium sub ritu semiduplici, sed probabilius est oppositum: docet tamen Gob. in App. 4. Litt. T. Episcopum posse id concedere, maxime si dubium sit, an Reliquia dici debeat insignis necne; insignes autem non dicuntur maxilla, auris, digitus, imò nec pes, secundum aliquos. Et si Reliquiæ in particulas diffractæ sint, dummodo partes sint iterum unitæ vinculo vel glutine, sufficit, *Quarti, Lohn. Gob. Litt. H.*, ubi Litt. I. citat *Neusser* contra se, meritò dicentem nullas Reliquias B. Virginis posse dici notabiles, cum totum corpus illius sit assumptum in cælum, vestes autem & similia non censeantur insignis Reliquia.

§. 7. Ad habendam Missam & officium ob Reliquias, debet locus, in quo sunt Reliquiæ, esse ecclesia vel ejus sacristia, aut saltem vicinus locus ad ecclesiam spectans, & non sufficit esse sacellum privatum alicujus Laici, *Gob. Litt. F.* Sufficit autem esse ad hanc ecclesiam deportatas, v. g. ob metum militum, quamvis ad aliam ecclesiam spectent, *Gob. supra, qui Litt. G. & nu. 633.* dicit Episcopum non posse dare potestatem certâ die legendi Missam de aliquo Sancto titulari, præcisè ratione insignis Reliquiæ ad aliquem locum translata, præter Missam quæ festo talis sancti legitur, sed contradicit *Neusser*, cujus sententiam etiam probabilem esse fateatur *Gob.*

§. 8. Non est obligatio legendi Missam vel officium de Sancto, cujus habetur insignis Reliquia,

380.

381.

quia, non enim dicitur debere sed tantum pos-
seligi, *Neusser, Gob. Litt. H.*

382. §. 9. Si festum Sancti, de quo habetur Reli-
quia, sit v.g. secundæ classis, posse eo die ob Re-
liquias evehi ad altiorem ritum primæ classis,
docent *Quintanadv. Pasq. Gob. supra*. Putat etiam
Neusser festum de Reliquia posse transferri, si
sanctus sit titularis, quia de eo ut titulari agen-
dum est in die festi.

383. §. 10. Ut Missa de Reliquiis & officium ha-
beri possit, prærequiritur, ut Ordinarius illas
approbaret, sic enim habet decretum L. 4. nu.
1250. relatum. Potest autem Ordinarius ap-
probare extra Diocesin existens, cum sit actus
jurisdictionis non contentiosæ. Quod si saltem
per decem annos culta fuerit talis Reliquia, non
requireretur alia approbatio, *Neusser, Gob. Litt.
G. & H.*

384. §. 11. Potest celebrari Missa & officium de
insignibus Reliquiis approbatis, etiam si sint ita
mixtæ non approbatis, ut discerni nequeant,

385. *Bonac. Trull. Neuss. Gob. Litt. H.*

Q. 54. Quid circa Ministrum sit addendum.
R. seqq. §. 1. *Laym L. 5. t. 5. c. 6. n. 13. & Sporer*
n. 390. non damnant eos, qui in Germania, ma-
ximè in pagis, ubi talis usus est & toleratur, ce-
lebrant sine Ministro, qui respondere noverit.
Putantque probabile aliqui apud *Henao* n. 1628.
posse celebrari sine Ministro, si aliàs multis die-
bus etiam tantum ferialibus omittere deberes
Sacrificium: quod *Suar. Lugo, Côn. Sylv. Aversa q.*
11. f. 9. *Sporer* nu. 389. dicunt saltem de festo, si
aliàs non audires Missam: Quod magis valet, ut
Viaticum habeas pro moribundo.

386. §. 2. Si quis debeat se alere celebrando, po-
test